

FUTBOLA

Bernard Tapie
martxoan
epaituko dute

PARIS

Marseillako Olympique taldeko lehendakaria izan zen Bernard Tapie datorren martxoan epaituko dute ustezko kirol ustelkeriatik. Tapierekin batera, taldeko zuzendari nagusia izan zen Jean Pierre Bernes eta Olympique eta Valencienneseko hainbat jokalariek epaituko dituzte.

Guztiak 1993. urtean Olympiquek Valencianesen aurka jokatu behar zuen Ligako partiduen emaitza ustez aurretik lotzeagatik irekitako sumarioaren barruan daude auzipetuak.

Tapie ustelkeriaz eta ustelkeria saioaz dago akusatua. Delitu hauengatik Frantziako Kode Penalak urtebete eta hiru urte bitarteko espetxe zigorra agintzen du eta 20.000 liberara (500.000 pezeta) hel daitekeen isuna.

RUGBYA

Etxebarriak eta
Puertasek
Espainiarekin
jokatuko dute

DONOSTIA

Xerox Getxoko Jon Etxebarriak eta Baionako Fran Puertasek urtarilean Espainiako selekzioarekin jokatuko dute Hego Amerikan. Zazpiko rugbyko bi torneo jokatu dituzte han: urtarilaren 7an eta 8an Uruguayko Punta del Este hirian eta urtarilaren 11n eta 12an Argentinako Mar del Plata hirian.

Punta del Esteko torneo Ohorezko Ligako 12. jardunaldiarekin batera jokatuko da eta horregatik talde bakoitzetik ordezkari bana joango da Espainiako selekzioa. Aipatu diez gain Arquitecturako Jaime Gutierrez, Monte Rugbyko Jose Ramon Perez, Portuenseko Javier Fernandez, Alzirako Alberto Socias, Oviedoko Xabier Gerediaga, Santboianako Alberto Malo, Montjuiceko Alejandro Ruggero eta Quesos Entrepinareseko De la Calle osatzen dute selekzioa.

KIROLDEGIA



EFE/ANTONIO ALONSO

Olazabal Gipuzkoako kirolaririk onena

Gipuzkoako Kirol Kazetarien Elkarteak Jose Mari Olazabal golf jokalaria, argazkian bigarrena ezkerretik hasita beheko lerroan, izendatu du Gipuzkoako kirolaririk onena. Astearte gauean egindako ekitaldian beste hainbat kirolaririk ere jaso zituzten sariak. Hala nola, Diego Garcia atletak, Abraham Olano txirrindulariak, Sergio Rey boxeolariak, Amaia Uriondo gimnastak eta Xabier Imaz eta Juan Antonio Artola pilotariek besteak beste. Gipuzkoako Kirol Kazetarien Elkarteak emandako talde onenaren saria San Pedro arraun taldeak jaso zuen.

XAKEA


Aurrera doa Iruñeko Txapelketa

IRUÑEA

Iruñeko Xake Txapelketako lehendabiziko jardunaldia, joan den asteartean jokaturakoa, hagitik interesgarria izan zen. Topaloven eta Korchnoiren arteko neurketak piztu zuen alde aurretik zaletuengan irrika handiena, eta norgehiagokak ez zion sortutako ikusmirari huts egin. Korchnoik, irekiera on baten bitartez, partida abantailarekin hastea lortu zuen. Topalov gazteak, baina, egoerari buelta ematea lortu, eta bederatzi t'erdia aldera garaipena lortu zuen.

Comasek eta Rivasek eskaini zuten, bion arteko norgehiagokan, teknika aldetik partidarik erakargarriena. Printzipioz txapelketa irabazteko aukera handirik ez daukaten bi jokalariek norgehiagoka bizia jokatu zuten. Hasiera batean Comas izan zen trebeena erasoan, eta garaipena patrikaratzeko aukera franko izan zituen. Aurrerago, baina, denbora aldetik nahiko gaizki ibili zen. Azkenean parra egitea adostu zuen Rivasekin, Rivas kontraerasoan ari zela.

Bestalde, bi partida hagitik azkarrak izan ziren, hain zuzen ere



Partida ondo hasi arren, Kortxnoik galdu egin zuen asteartean. JOXE

Majemen eta Zujaginseven arteko norgehiagoka, eta Yudasinen eta Morozevicen artekoa. Biak arratsaldeko zazpitan amaitu ziren. Zujaginsevek hutsegite batekin eman zion hasiera Majemen kontra jokatu zuen lehiari. Mageme, ordea, denbora falta zela medio estu eta larri ibili zen, eta ez zuen garaipena eman ziezaikeen posizioa topatu. Gauzak horrela, azkenean parra egitea eskaini zion errusiarrari, eta, jakina, hark gustu handiz onartu zuen. Yudasin, bere aldetik, ez

zen espero bezain fin aritu Morozeyic kontrako partidari. Fitxa trukaketa batean abantaila galdu zuen, eta azkenean biek parra egin zuten. Francok eta De la Villak, berriz, gaueko hamar t'erdietan partidua bertan behera uztea erabaki zuten.

Honako hauek dira atzo jokatutako neurketak: Rivas-Yudasin, Topalov-Magem, Franco-Korchnoi, Zujaginsev-Comas, De la Villa-Morozeyic. Lerro hauek idazteko orduan amaitzeko ziren norgehiagoka batzuk.

PILOTA

Galarzak jokatu
egingo du
larunbatean
Labriten

A.U. / DONOSTIA

Datorren larunbatean Labriten txapelketako partidua jokatzeko moduan dagoela konfirmatu zuen atzo Galarzak partidua horretarako material aukeraketan. Txapelketako bosgarren jardunaldiko partidurako pilota biziagoak aukeratu zituzten Galarza eta Etxanizek atzo, 104,8, 106,4 eta 104,5 gramotakoak. Salaberria eta Belokik berriz, pilota motelxeagoak aukeratu zituzten baina azpitik azkar ibiltzen direnak: 105,3, 106 eta 105,5 gramotako pisua eman zuten.

Jende ugari bildu zen material aukeraketan eta Belokik etxean jokatzen duenez, sarrera ona espero da igandean Labriten. Egun berean bigarren mailako partidua jokatu duten partidurako pilotak ere aukeratu ziren atzo, Ariznabarreta-Armendarizek, 105,5, 105,8 eta 104,5 gramotakoak aukeratu zituzten. Ortiz eta Olideni ordezkatzeko dion Astarloak 106,3, 106,4 eta 105 gramotakoak.

Arratsaldean Haron izan zen material aukeraketa igandeko partidurako. Titin eta Arretzek 103,8, 105,9 eta 105,6 gramotakoak aukeratu zituzten. Urionaguena eta Azkaratek 105 gramotako bat eta 105,4 gramotako bi. Asegarceko bikoteenak pilota biziagoak dira. Bigarren mailako txapelketan, Gorostiza eta Salaverriek 105,7, 106,1 eta 105,4 gramotakoak apartatu zituzten. Koka eta Oregik berriz, 106,2, 105,4 eta 105,8 gramotakoak.

PALA Lehen
TXAPELKETAKO mailako
PARTIDUA p a l a
txapelketako lehen fasea gaur amaituko da Arribilla eta Langarikak Isusi II eta Oteroren aurka jokatuko duten partidurekin. Partidu honek fase honen amaieran bikote bakoitzaren postua erabakitzeke balioko du. Baina eraguztietara finalerdiak zein izango diren erabakita daude, gaur edozein emaitza izanda ere. Gaur lehiatze izango diren bi bikoteek jokatuko dute finalerdi bat eta bestea Goitia-Torrek. Insausti-Garridoren aurka.